

北洋官報

目錄

宮門抄
交旨

奉諭○度支部奏議撥款收辦工業學堂摺△陸軍部奏軍醫馬醫畢業生補官摺△護軍營沈奏變通通等缺補署片△又奏舉人阻撓路股請革訊片
公牘○董事會申一件△又移一件△又函一件△川督札一件
文告五則△電報六則△新聞十二則
彙編○南洋勸業會出品分類細目
圖畫○上海公家花園第一圖

本報今日加印照片一頁

本局第一百九期法政學報現已出版

宮門抄

七月十五日 吏部 翰林院 廂黃旗值日 昭公續假十日 召見軍機 慶王等振貝子鐵良各遞封

奏一件

交旨

七月十五日 軍機大臣欽奉

諭旨現在恭逢加上 列聖 列后尊諡禮節所有 太廟供奉 玉冊 玉寶著派大

學士世續敬謹承修欽此

諭旨慶親王奕劻等奏請簡陸軍貴胄學堂總辦一摺著派內閣學士那晉充陸軍貴胄學堂總辦欽此

奏議錄要

度支部奏議覆農工商部會奏藝徒學堂改爲工業學堂仍請撥崇文門溢征稅項摺

奏爲遵

旨議奏恭摺仰祈

聖鑒事宣統元年六月二十一日准軍機處片交欽奉

諭旨農工商部會

同學部具奏藝徒學堂課程較高擬請改爲中初兩等工業學堂一摺所請照舊劃撥崇文門溢征三成稅項著度支部議奏餘依議欽此欽遵將原奏抄交到部查原奏內稱光緒三十一年間御史王金鑄奏請添設藝徒及初等中等各學堂經前學務處會同商部戶部議覆奏准遵由商部遴派監督先行酌擬藝徒學堂章程奏明開辦並於摺內聲明藝徒學堂卽作爲初等工業學堂其中等工業學堂應另行次第籌辦等語現查該學堂講義試卷暨工廠成績物品送經學部核明程度優者足與中等工業程度相當請改爲中初兩等工業學堂一切課程應再遵照學部定章釐訂增改期於畢業遞升照章給獎以資鼓勵仍另招藝徒授以蠡淺工藝藉廣教育至該學堂所需經費前經奏請在崇文門溢收稅項酌擬成數作爲辦理藝徒及初等中等各實業學堂之專款欽奉

諭旨著

由崇文門溢征稅項撥給三成欽此歷經撥交在案應請按年照舊劃撥俾資接濟等語臣等伏查崇文門稅務每年關期以八月初二日截算近年稅收較旺三四兩季於正額盈餘之外溢征銀兩尙多光緒三十年七月十七日經前戶商二部會同學務處奏請藝徒學堂經費奉

旨撥給溢征稅項二成計三十一年第四季撥銀七萬

五百三十六兩三十二年三四兩季撥銀十一萬一千七百二十一兩零三十三年三四兩季撥銀十二萬六千四百六兩零二十四年三四兩季撥銀十一萬一千五百五十五兩零暨本年第三季應扣三成銀三萬四千九百五十三兩零均經如數撥交在案茲據奏稱前因查藝徒學堂撥用前項三成溢征稅銀係前經奉

旨賞給之款

此次初等工業學堂既經學部核明優級學生已有中等程度請改爲中初兩等工業學堂章程雖有變通款項並無出入所請照舊劃撥之處擬請卽行照准以資應用而宏造就仍令該學堂監督等認真辦理核實動支每屆年

終即將收支四柱款目由農工商部核明細數開單奏銷知照臣部查核如蒙 俞允卽由臣部分別行知遵照辦理所有違議緣由理合恭摺具陳伏乞 皇上聖鑒謹 奏宣統元年七月初七日奉 旨依議欽此

陸軍部奏陸軍軍醫馬醫兩學堂各班畢業生彙案補官摺

奏爲陸軍軍醫馬醫兩學堂各班畢業學生分別覈定等第彙案擬補軍佐官階繕具清單恭摺仰祈 聖鑒事竊臣部上年二月間附片具奏軍醫馬醫經理各學堂畢業生係屬軍佐自應仿照陸軍畢業生章程比擬辦理凡考列上等者准補同副軍校中等者准補同協軍校等語業經奉 旨允准欽遵在案茲查北洋軍醫學堂頭

班學生三十五名於光緒三十二年十二月間畢業由直隸總督考試發給文憑分派各軍鎮學堂局所差遣自該堂歸併臣部之後迭據各差所報告各該生均尙得力核與原考分數等第尙屬符合並據直隸總督補送全班學生學績履歷等項表冊到部又該堂二班學生二十名馬醫學堂頭班學生三十六名於光緒三十三年十二月間同時由該堂呈報畢業經臣部派員到堂將各門課程以研究醫理者爲學科練習醫法者爲術科按科嚴密考試核定分數遞派馬醫學學生十名前赴日本調查馬政准其作爲見習其餘兩學堂學生分發陸軍各鎮試充軍職嗣據各鎮統制官將試充軍職期滿各生分數列表申送到部赴日學生亦按期回國該兩班學生復由臣等參以前考分數平均計算分定等第按名發給文憑各在案查此項軍醫馬醫兩學堂各班學生經臣部分別察其成績考其程度陸續畢業自應按照上年附片奏明仿照陸軍畢業生章程比擬軍佐官階分等補以同副協軍校等官以資鼓勵除軍醫學堂頭班畢業生李學瀛一名業經奏補臣部額設軍佐陶沅一名暨二班畢業生那丹珠德茂吉拉敏三名仍就府經歷佐領筆帖式等原職均毋庸擬補官階外謹將考列上等之軍醫學堂頭班生黃傳箴等十六名二班學生崇啓等八名馬醫學堂頭班生黃岐春等二十七名考列中等之軍醫學堂頭班生徐濤等十七名二班生信海等九名馬醫學堂頭班生劉銀河等九名分擬應補軍佐官階繕單呈 覽恭候 欽定俟奉 旨後卽由臣部欽遵註冊並發給劄付以符定章所有軍醫馬醫兩學堂各班畢業學生彙案補官緣由謹繕摺具陳伏乞

皇上聖鑒訓示謹 奏宣統元年七月初九日奉 旨依議欽此

謹將臣部陸軍軍醫馬醫兩學堂各班畢業學生核定等第分擬應補官階彙繕清單恭呈 御覽 計開 軍

醫學堂頭班學生上等十六名 黃傳祥 王景元 陳輝 梁文忠 王文焯 常兆霖 劉壽萱 鄭淑 潘

承祿 劉世棻 陸文邨 李紹良 李樹藩 王萬選 趙寶箴 張用魁 軍醫學堂二班學生上等八名

崇啓 慶祿 金懷忠 印勳 鄒鶴年 連傑 王連中 清全 馬醫學堂頭班學生上等二十七名 黃岐

春 賈潤之 何升岳 連捷三 張樹霖 郭峻嶺 李冠勳 雷日彬 龔齊祉 楊壽榕 谷繼武 徐篤

卿 張岷 魯明善 李如九 李振鐸 張鳳朝 楊德春 張冲度 王仁鏡 王仁爵 陳見龍 牛振勳

侯邦泰 張鏡藻 宋祺 李懷榛 以上軍醫馬醫兩學堂學生五十一名考列上等均擬補同副軍校 軍

醫學堂頭班學生中等十七名 徐濤 金瀛 王遠 史忠志 徐毓慶 楊學濤 黃翼卿 何銓 孫瑞增

金振中 郭增銘 劉夢庚 紀書元 劉國慶 薛子銘 陳國珍 倪準 軍醫學堂二班學生中等九名

信海 玉麟 恩齡 福元 舒霖 陳鏗 忠鈺 楊福泰 英壽 馬醫學堂頭班學生中等九名 劉銀

河 李靖勳 萬永壽 寶公輔 馮華年 石錦章 胡永年 徐良臣 王晉卿 以上軍醫馬醫兩學堂學

生三十五名考列中等均擬補同協軍校

護理雲貴總督沈秉堃奏請將滇省同通等缺變通補署片

再查滇省額設同知十五缺通判六缺惟南關同知彌渡通判二缺職司督捐兼管水利並無地方之責其餘騰越

威遠龍陵中甸永北鎮沅思茅景東蒙化大關巧家安平鎮邊個舊等同知維西他耶緬甯魯甸富州通判各缺向

例管理命盜詞訟經征錢糧稅課以及彈壓廠務胥關緊要與州縣同一事理且該同通等缺地處邊要控制土夷

管轄地面較州縣尤極遼闊方今庶政維新事務繁難責任益形吃重必須精明幹練熟悉邊務夷情之員方克勝

任滇居邊遠吏治乏材若必循資按格徵特難期適用即間有一二可用之員格於例章動多窒礙經前督臣錫良

援案奏請將道府州縣各缺兩年限內補署暫不拘文法奉 旨允准有案是同通等缺原與州縣事同一律

自非量予變通不足以資治理而臻完備據署雲南布政使葉爾愷會同交涉學臬三司詳請具奏前來臣覆加體

察委係實在情形合無仰懇 天恩俯念滇省同通等缺同屬重要一併准照變通補署道府州縣章程統於兩年限內補署俱暫不拘文法實於地方有裨至向未管理地方南關同知彌渡通判二缺仍循舊例辦理臣係為因時因地擇人任便起見除咨部查照外謹附片陳明伏乞 皇上聖鑒敕部立案施行謹 奏宣統元年七月十一日奉 硃批著照所請該部知道欽此

又奏舉人吳炳桓阻撓路股請革訊片

再查雲南賓川州舉人吳炳桓阻撓隨糧路股破壞公益並有侵蝕學款武斷鄉曲情事由該管州稟經總理滇蜀騰越鐵路總公司署布政使葉爾愷等會同藩學臬三司查明該舉人吳炳桓係由增生應光緒二十七年庚子辛丑 恩正併科本省鄉試中式第一百二十七名舉人會文詳請 奏革歸案訊辦前來臣覆查無異相應請 旨將雲南賓川州舉人吳炳桓先行褫革歸案訊辦以端士習除咨禮部查照外謹附片具陳伏乞 聖鑒訓示謹 奏宣統元年七月十一日奉 硃批著照所請該部知道欽此

公牘錄要

天津縣董事會申請津海關道飭發鈔關則例交會參攷文

為申請事案准天津縣議事會函開內稱啓者本會議員提議我縣為北洋商埠一切關稅釐金名目複雜徵收之法亦多不一自應調查明悉遇事得備參考當經議決擬請貴會逐細調查見覆備案為要等因准此查本埠新鈔兩關向由憲台監督收稅事宜應請飭將新鈔兩關徵稅則例發交董事會轉交議事會以備參考應用實為公便為此備文申請憲台電察迅賜照請施行須至申者

又移請工藝總局詳示漁稅辦法文

為移請事案准天津縣議事會函開內稱啓者天津一縣自設立全省漁業公司以來所收漁稅為數想必不貲擬請貴會逐細調查徵收漁稅辦法全年所收數目約計若干並是否與差徭相同務希詳細查明見覆以憑敝會核議等因准此事關自治調查事宜應請貴總局將徵收漁稅辦法及全年所收數目一併詳細見示以憑轉覆實為公便為此備文移請貴總局查照見覆盼切施行須至移者

又函致議事會文

啓者前接此次複選議員孫君洪伊來函辭職該函到時已逾當選確定期當經本會覆函請仍到會復據孫君來函仍行辭職並繳通知書查當選確定期業經本會移請縣尊分別照會各議員並移會貴會在案今孫君來函在當選確定期後應否准其辭職理合將原函送請貴會核議酌奪此啓

川督趙札飭學司整頓學務並豫籌辦法文

爲札飭事照得興學育材本有定章可循而因革損益要貴變通盡利本督部堂自去歲蒞蜀卽以學務亟待振興迭經頒布規程札飭各屬將學堂辦法整頓改良並列表報查在案惟川省幅員遼闊雖風氣已逐漸開通而學堂之辦有成效者仍屬寥寥無幾現值 朝廷銳意圖強立憲預備期以九年而學務尤關重要若不計日以圖功必致臨時而貽誤今該司蒞任伊始振作方殷原可不待旁參惟本督部堂屬望尤切爰將平日考察學務所得擇其最關緊要者十數條逐一開列札發以資商辦爲此札仰該司卽便遵照會同辦學員紳及公所辦事各員按照札發各條悉心研究通盤籌畫一面及時籌辦卽一面詳覆報查總期學務蒸蒸日上成效彰積弊漸革以副 朝廷作育人材之至意本督部堂有厚望焉切切此札 附條商學務要綱 一申明監督權限 學堂之設監督原以期事權之統一凡堂內巨細事件監督皆有經理維持之責查定章各學堂管理通則於監督權限規定本極明晰惟川省學堂習慣往往於重要事件僅由庶務長處理而監督反不過問殊於學務有碍亟應申明部章以後各種學堂無論關於教授管理或會計事項皆應關白監督然後執行其庶務長教務長等不得專擅任監督者亦不得放棄職權自蹈尸位之咎 一審定教科書 近年教科用書尙未奉到 學部審定頒行之本各處學堂往往自爲風氣學說臆難重滋流弊其中尤以國文歷史兩科取材最濫各地士習之囂張未必不由於此謬種流傳貽誤滋大查本督部堂去年秋間會暫定高初兩等小學堂教科用書通行各屬並於本年札飭前署學司認真檢定各在案該司應再督飭學務公所圖書科人員將現在各校所用教科書詳細檢查如有宗旨背謬或程度不合者卽一概責令更正並示以教授當用之書其坊間刻售之本但係學堂用書亦應逐一考核分別禁許俾購讀者所遵循務期整齊畫一無躐等凌雜之虞庶全省學風可期一律 一嚴定視學考成 一省學務繫乎學司府廳

州縣學務視乎視學視學不得其人而望學務之有起色不可得也近來各屬視學人員勤厥職守者固不乏人而因循敷衍不任勞怨不免貽人以口實者亦所在多有是非從嚴考察不可查去年秋間本督部堂會規定考察視學員辦法數條札由該司通飭各屬遵辦在案務即申明舊章切實推行如其中尚有應行增訂者亦即悉心酌訂期於考核嚴密功過分明而後已蓋必賞信罰必然後賢者愈臻勤慎而中人亦有所欲懼以自奮學界轉移之機全視乎此所應首先注意者也 一清釐學款 查地方辦學之款指撥既定即應通稟立案永遠不准挪移方期持久惟近來新政繁興有加無已往往有以本係辦學之款挪作他項辦公之用而受撥處所亦或藉詞扣減任意延誤以致學款支絀時有無米爲炊之嘆此外又有學款甚多而耗於辦學之手者又有團保兼充學董但利己私而不知辦學爲何事者種種弊習不勝俚指亟應飭各屬細加清釐無論何種款項但係籌定辦學一概不准挪移其尙未具稟到省者即一律補報立案其糜費把持者查明更換務令學務基礎鞏固不搖以爲可大可久之計 一辦學勿重表面 辦學固非款不行而用款必須撙節至普通小學尤須因陋就簡易於成立爲要每見今之辦學者動以表面爲重服飾則力求新奇建築則務爲壯闊全失奮日寒素之風而用人一端尤多浮濫以難得之金錢半耗於無用之地殊可惜也本督部堂思矯其弊因於成都駐防開辦蒙小學堂女學堂半日學堂二十餘所每年所費僅二千金其辦法不外借用公地量給束修事事注重實際故能收費省功倍之效若皆能照此辦理庶人不畏難教育將有普及之望乎 一調查學齡 欲行強迫教育以調查學齡爲第一義川省前歲准 民政部頒行調查戶口表式會飭各屬附查填報惟據造送到轅者僅十數州縣且所填多欠實在難資依據目前實行清查戶口應即責令各屬於編造戶籍時一併妥實辦理藉備考核總之非認真多辦蒙小學堂不能有好學生也 一籌設簡易識字學塾 前准 部咨簡易識字課本由部編訂現雖未奉頒行此項學塾要宜豫先籌設以免貽誤查九年籌備事宜清單內開本年應設簡易識字學塾者僅以各廳州縣城爲限即令各屬酌籌款項於城內各設三數堂以爲之備需費不多尙易爲力也 一妥議興學次第辦法 前准 學部來電令將川省各種學堂辦法按照九年籌備期限次第規定具 奏當經電覆並行知該司核議在案此事關係重大非將川省學堂已辦者共若干種皆已辦至何等程度未辦者尙若干種應如何次第籌辦分門別類逐細調查明晰再加以通盤籌畫不能

遽行規定且學校之興須視財力盈絀師資多少以爲衡尤非可咄嗟立辦之事該司視事伊始採訪爲先應悉心考察及時規畫並令公所職員會同學界各紳逐一討論期歸至當再一面臚列清單呈候核奪依限 奏咨蓋規模既定即應切實推行將來學務之能否進步即將於此次議案決之不能不慎之於始也 一杜絕訟源 學務詞訟之多概起於權利之競爭欲絕其源必使司教育之權者確能自舉其權戶教育之利者毫不自牟其利而復爲定職員考成之法學款會計之規以曉示而公布之然後人心折服攻訐之風不禁自戢至各地著名健訟專以破壞公益阻撓學務爲目的者並應由各屬地方官平日留心察訪密報該管上司及該司分別存記遇有控告一概不理或擇尤嚴懲一二以資儆惕庶乎訴訟息而學務興也 一振興女學 女子教育之重要人盡知之川省女學不過粗有萌芽亟應豫籌推廣凡各廳州縣城內應於年內遵章設女師範學堂一所其科學暫應注重國文一門俟一二年後即可附設女子小學以期普及其有師可聘者即限本年成立至保姆傳習所若令分別設立財力必有不足即可附設女師範學堂內期省經費亦一舉兩得之道也 一改良私塾 目前學堂尙未普興私塾尙難遽絕欲期教育之普及莫如就近日所有私塾加以改良俾其稍易教授方法由該司酌定課程指定用書凡設帳授徒之師皆令一體遵照辦理每日除教授讀經習字外並添算術歷史地理等科體操即令習新增之八段錦等類之簡易者學生之多寡亦不必限定仍由視學員隨時調查功課成績並令列表報查分別獎勵庶一轉移間即可收教育普及之效也 一注重實業 川省實業教育除蠶桑頗形發達外其餘農工商業不過粗具端倪至礦業專門尙缺焉未講亟宜於省會地方籌設一校延聘精通之士造就礦師藉開富源即各屬甲乙兩種實業學堂亦宜逐漸設立爲徐圖擴充之計近有倡生計教育之說者謂各高初小學不但當教手工模範並宜授以粗淺工藝俾畢業之後各擅一長以自立然後可救極貧之中國其言頗有至理似可擇地試行候有效時再謀普及於教育亦不無小補也 一添設半日學堂 近來各屬此項學堂雖已漸次設立而未辦者尙居多數且往往不明宗旨於設堂應授學科有過求高深之弊前於懋功屯詳報成立當經本督部堂將應授學科明白批示並登報通飭在案然慮未周知應由該司查明定章參以地方情形將該學堂課程辦法酌訂通行總以淺近易學爲主以期普及而收實效 一甄別公所人員 學務公所爲全省學務總匯之機關必在事員紳恪慎將職而後教育

有振興之望乃近聞該所人員名雖分科辦事實則勞逸不均甚至終日優游又或自矜秘密且冗員冗費浮濫開支公牘詞狀經年擱壓雖人言不盡可憑而流弊必須矯正該司留心訪察如所見相符應即嚴加甄別秉公黜陟將該所辦事章程切實釐訂以資整頓根本一清進步可望力任勞怨毅然決然此固該司所優爲者也

文告錄要

學台批示○閩屬選拔各生聯名稟請覆試等情 批該生等靜候 督部堂示期覆試暫勿遠離倘有切要職務不能久曠者應速覓妥人暫代仰卽遵照

臬台批示○大成縣文童蔡守臣來司呈控一案 批此案尙未據該縣錄案詳覆虛實無憑懸揣仍候札催該縣限文到五日內錄詳覆奪爾先回籍候示毋得在省逗遛○望都縣文童郭春元來司呈控一案 批檢查該縣清訟月報案經獲犯張根林等五名訊供狡展候飭縣作速訊明詳辦毋任狡延粘單附

保定工巡總局批示○分省試用州判王心海遺抱家人于福具稟一案 批據稟是否屬實候傳飭該管分局查覆核辦此批

直隸警務處批示○留東警察畢業懷安縣附生宗翰藻稟懇投考加札一案 批據稟已悉該生宗翰藻具稟投考業經本處取列優等并將委札發縣轉給矣此批

保定商務總會批示○東鹿縣布行潤福德商人鄧春吉稟控晉州城南拾字路村常洛齊欠債不歸一案 批呈悉候移晉州傳案究追此批

電報錄要

路透電○英屬坎拿大曼德瑞洛地方農業家調查坎拿大之麥可收獲一萬一千五百萬斗并報告所有禾稼亦均茂盛

又電○英國發爾曼氏在瑞穆士地方乘坐飛艇在空中飛行一百八十六啓羅邁當共歷一百九十六分鐘此次試驗飛艇發氏第一得獎銀二千鎊拉薩穆氏第二得一千鎊包洛奔氏第三得四百鎊

又電○英國著名小說家費恩氏逝世
又電○和蘭國魯德達穆地方瘟疫傳染較前尤烈英京港口稽查員報告和國魯德達穆地方瘟疫甚烈所有由

該處到倫敦之人均須查驗以免傳染并知照英國各口岸均一律查驗

柏林電○德國克蘭尼報因中日兩國所訂之約於各國在遠東之商務均有利益頗為歡迎

又電○和蘭政府擬派員與德國勘劃非洲紐智尼亞和德兩國殖民地邊界

新政紀聞

政治

電詢職員兼充議員事○本月初五日 督憲致 憲政編查館電云有諮議局復選當選現充縣議事會議員及

鄉事會會員者是否可以兼充抑應辭退何職原章均無規定明文請酌核電復飭遵旋接電覆云歌電悉地方

自治職員准其兼充諮議局議員惟不得兼充該局議長副議長及常駐議員此覆

電詢議員兼任權限○憲政編查館接川督電稱本省財政副監理官及調充籌備地方自治總局局長均被選為

議員能否兼任乞速示當即電覆云看電悉籌備自治局各員不妨兼任諮議局議員至財政副監理官究有本

省官吏性質碍難兼任此覆

議事會交接會務清單○天津縣議事會宣統元年七月初十日交接會務清單(再續十四日)核議南段巡警總

局出售太虛觀 交董事會辦理 已結 收回西南隅坑地 交董事會辦理 已結 清查白塘口圓通觀

廟地 交董事會辦理 已結 核議七城小學堂出售廟產 交董事會調查 未結 調查南門外小河淤

地 交董事會辦理 已結 清查孫家大墳是否廟地 交董事會辦理 已結 國民捐 交董事會收存

已結 清查藥王廟是否有人出售 交董事會調查 已結 清查四鄉廟宇廟產辦法 候核議 未結

清查南軍碼頭王姓絕地 交董事會調查 已結 選派津武鹽局董事 議駁 已結 錦衣衛橋紳民

申請生鹽卸車腳價 已加價 已結 申請善後鹽斤加價銀兩 批駁 已結 調處黃寶珩劉少錫債務

了結 已結 人民爭議說帖 議駁 已結 調處梁逢中楊學圃賬目纏葛 了結 已結 調處張汝

翼汝驥與姪永祥地畝轉轄 了結 已結 調處趙王氏稟控韓禿子霸地 交董事會調查 未結 調處
宜興埠青苗會爭議 候議 未結 詢問德國推廣租界禁止葬墳 已回覆不禁止 已結 洋人在租界
內外租買田地辦法 關道覆稱可以租買 已結 調查洋河口私販銅元 由銀元局發回矣 已結 衛
署局所啓用印信關防鈐記及接替日期 已結 申述實習工廠郭管理棍責工徒 已撤差 已結(仍未完)
札飭設立審判廳○贛臬陳廉訪夔麟日前通飭各屬就地籌款設立初級審判廳每廳設審判官及錄事各一以
佐貳派充等因札到九江業經九江府轉飭所屬一體遵辦矣

民 事

電告海州災賑事宜○督憲接江蘇海州紳商學界來電云海海屬水災衝倒房屋淹斃人畜慘不忍言當此庫空如
洗請振難望鉅數紳耆聚談丙午振務有泣下者益見盛德感人之深昨蒙捐廉千金眷念海民尤爲感激仍求
飭司道速籌協振俾免早填溝壑爲叩又接叩謝電云齊電敬悉帥恩高厚賜振千兩河潤及千里之外俾災黎
蒙再造鴻慈咸慶更生謹率全州紳民望轅叩謝遙祝遐福靡量安帥已飭司撥款惟財政困難籌集匪易所幸
大帥提倡在前萬流宗仰或易爲力耳

巡警局變通區域○長蘆緝私自變章以後安設分局劃分區域派委募隊分投查緝各有責成惟東鹿縣附入保
定武強縣附入定州均距分局爲遠鞭長莫及日前經商人富有元等會商緝私議員王李兩綱總稟請運憲劃
歸冀州分局管理當蒙批准

籌辦西沙各島事宜○粵省諮議局籌辦處詳開各島事宜略稱現在東沙各島將次收回自行接辦前奉查勘西
沙各島亦將開辦事務殷繁非得粵紳中熟悉情形者無以相助爲理茲有在籍江西補用道許道炳耀情形熟
悉堪以辦理每月薪夫銀二百元除照會許道外理合詳請憲臺察核俯賜批示云云胡護督已批飭如詳辦理
商 務

組織商團之計畫○江蘇鎮江府屬丹陽縣商界擬組織商業體操會前由章君等赴蘇滬各處調查現已竣事昨

在商會集議一切辦法所有經費錢業認其半各業認其半會友定額六十名限上月杪前一律報名足額後即聘請教員不日開辦惟卒業年限須俟教員審定

籌議大通開商埠○安徽蕪湖關道郭子華觀察前奉督撫兩院札飭略謂現有大通職商陳壽鴻等具稟農工商部請仿照天生港章程開埠設卡並派洋攔收稅等情轉行到道當飭就近切實查覆報部核辦關道奉札後函致新關稅務司洪參君核議茲准覆移略云該商所稟各情似非確有把握大通設卡收稅一事本稅務司未便擅議關道准文後又札飭銅陵縣楊令暨大通坐買局將該鎮歷年進出口貨數及商務情形切實詳覆

籌議保護商船辦法○湖北巡警道馮觀察以漢鎮所泊船隻計有數十幫之多其數之最多者如行駛襄河之河南鄖陽兩幫約計有五千餘隻外江則以湖南之益陽資江等幫為多往來湘漢裝運貨物上下既夥稽查難周而且近來饑民充斥匪徒混跡其間常有圖財敲詐迷藥害人情事商旅視為畏途因特籌議辦法首在保全商旅而利交通擬令往來各埠各舉幫首編列號碼設立船行記訂來去日期客商附載定則報明貨物號財數目領取行單以五十號船連環互保如中途有意外之事即責令此五十家協力查拿似此商旅不致裹足而商業亦可漸興云

路礦

議派勘測西北路政○政府以西北各處邊防緊要亟須經營路政以便防禦惟此路於軍事商墾各政均有關係且工程浩大擬請由郵傳部侍郎丞叅上簡派一員隨帶熟嫻路政勘測人員前赴甘新伊阿等處勘測一切云蘇路公司移請速建馬路○蘇路公司鐵路車站現設滬軍營舊址因與北市路程寫遠殊與搭客往來不便擬在西門外王家圈起至陸家濱築一馬路並在西門外城脚另由公司接展支綫一條分設車站以期利便行旅業已商允工程局董惟迄今日久馬路尚未開工爰移文滬道請為轉商工程司從速興工以踐前言

河南紳士請開銅礦○河南光州屬商城固始一帶山多礦富祇以勘辦無人地有遺利茲有商城縣紳劉君甫從美國礦學畢業回國勘得該縣龍牙山有銅礦三處探挖得手可獲厚利當即稟請礦務局派員勘驗該局未敢遽信既據稟稱姑委礦師前往查勘惟聞劉紳已在光固等處集得股本二萬餘金志在必辦云

煤無焰煤石腦油土瀝青泥煤褐煤

第九十五類 雜鑛

硫黃燧石顏料鑛肥料礦天然礦泉等山鹽明礬硼砂

第三門冶金機械及方法

第九十六類 鎔鑄機及鎔鑄方法

第九十七類 鍛鍊機及鍛鍊方法

第九十八類 壓搾機及壓搾方法

第九十九類 製板機及製板方法

第一百類 分析機及分析方法

第一百一類 不可燃物之製造機及製造方法

第四門冶金製品

第一百二類 金銀錠及半製品

第一百三類 荒銅丁銅精銅電氣銅銑鐵練鐵鋼鐵鉛鐵安質母尼亞砒酸精製硫黃華蒼鉛水銀等及各種半製品

第一百四類 煉煤骸煤揮發油燈油器械油重油石蠟精製土瀝青等及各半製品

第一百五類 赤銅龍銀真鍮青銅白銅白鐵金局之板箔等

第七部 化學工業

第一門化學製品

第一百六類 樟腦樟腦油龍腦薄荷等

第一百七類 醫術用各藥品

第一百八類 工業用各藥品

第九類 雜用各藥品

第一百類 人造象牙珊瑚玳瑁等

第一百一類 漆顏料各種

第一百二類 燭假象牙假皮皮皂等

第一百三類 爆發性各種

第一百四類 脂粉香料牙粉洗粉香水香油

印泥墨墨水

第一百五類 片紙各種

第一百六類 熏香各種

第一百七類 關於以上各種製造之器具及方法

第二門燒窯品

第一百八類 景泰窯 盪磁 琉璃磁瑯

第一百九類 陶器

第一百二十類 磁器

第二百一類 土器

第二百二類 磚瓦

第二百三類 四門丁石灰石膏漆灰

第二百四類 關於以上各種製造之器具及方法

第八部 土木及建築工業

第二百五類 築港

第二百六類 隄防



圖 一 第 園 花 家 公 海 上

海國生春

廣東南海有患左癱右瘓者為韋廉士大醫生紅色補丸所治愈

中國學堂教職為十五名醫所不能醫治之奇症
 左癱右瘓或四支失力為人身所最險最難治之一種疾病也韋廉士大醫生紅色補丸曾經醫治諸多最劇之瘓癱症是以無論何藥最無有如韋廉士大醫生紅色補丸之神奇者是書因欲刊登各種證書限於篇幅故未能將所治左癱右瘓之症悉數錄得僅擇廣東南海郭君貞甫之一症而謹錄之因其由中國所治愈為盡人所易於訪問而知者也郭君貞甫為廣東南海學堂之教職自述其病狀如左云○余二年前即三十有九歲時左身瘓



廣東南海郭君貞甫君患左癱右瘓為韋廉士大醫生紅色補丸所治愈

癱左手左足均各失力瘋症若是之重臥床莫能興起腦筋衰弱時時發顛如樹葉之被風飄颻不克自持於是延醫診治望經一月余友勸服韋廉士大醫生紅色補丸因其身體復原面容轉赤未幾覺有精力從左余嘗試余遂依言服之頓覺身體復原面容轉赤未幾覺有精力從左手足經過恍若被電氣所感觸皮膚為新血所潤澤四支因新血而生力從此進步神速面色有康健之形腦筋得復原之力所最喜者即使余四支復得有力之用也邇者食甘睡甯顏開心樂其所以能得此快愉之情形者皆韋廉士大醫生紅色補丸所賜之奇功也余保證書登簡牘以告世之同病哉○郭君之自述病狀如此然常有如郭君之疾病為醫生與平常藥餌所莫能療治者韋廉士大醫生紅色補丸却有奇妙之功用也蓋是丸所以能醫治各疾者以其所施之功由血中而入能使全體皆得有力其名譽為天下文明大國所盡知莫不謂其能醫治左癱右瘓風溼骨痛山林瘴氣發熱病後紅白痢疾感胃風寒等症之聖藥也婦女經水不調以及經來腹痛各種雜症一服是丸立能使其月經有序身體康健矣中國各處商店藥局凡經售西藥之處均有代售或直向上海九江路B字第八號韋廉士大醫生藥局中國總發行處購買亦可 價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士大醫生藥局啟

商務印書館出版各書上海總發行所

中外政法要書

議員必讀

嚴又陵先生譯著

欽定大清會典 十冊 一元二角

憲政大綱 一冊 三角

英文漢語 一冊 一元二角

欽定大清會典及事例 百六冊 十元

各省路議局章程 四冊 三角

訂正羣學肆言 一冊 一元

大清光緒新法令 十冊 一元

各省路議局章程要義 二冊 五角

訂正羣學肆言 一冊 一元

大清列國政要 三冊 六角

城鎮地方自治章程 一冊 三角

孟德斯鳩法意七冊 一冊 一元

漢譯日本法規大全 八十冊 廿五元

地方自治章程要義 一冊 三角

各種雜誌 每月一冊 每冊一角

漢譯日本六法全書 八冊 一元五角

日本議會必讀 一冊 三角

各種雜誌 每月一冊 每冊一角

警察講義 錄 十四冊 五元

日本議會必讀 一冊 三角

各種雜誌 每月一冊 每冊一角

各種彩色地圖

大清帝國全圖 一冊 四元

日本憲法研究會 一冊 二元

日本富井政章 民法原論 一冊 一元二角

大清帝國全圖 一冊 三元

日本憲法研究會 一冊 二元

日本富井政章 民法原論 一冊 一元二角

大清帝國全圖 一冊 二元

日本憲法研究會 一冊 二元

日本富井政章 民法原論 一冊 一元二角

大清帝國全圖 一冊 一元八角

日本憲法研究會 一冊 二元

日本富井政章 民法原論 一冊 一元二角

大清帝國全圖 一冊 一元二角

日本憲法研究會 一冊 二元

日本富井政章 民法原論 一冊 一元二角

大清帝國全圖 一冊 一元八角

日本憲法研究會 一冊 二元

日本富井政章 民法原論 一冊 一元二角

大清帝國全圖 一冊 一元八角

日本憲法研究會 一冊 二元

日本富井政章 民法原論 一冊 一元二角

大清帝國全圖 一冊 一元八角

日本憲法研究會 一冊 二元

日本富井政章 民法原論 一冊 一元二角

大清帝國全圖 一冊 一元八角

日本憲法研究會 一冊 二元

日本富井政章 民法原論 一冊 一元二角

天津分館開設河北大胡同電話五百二十六號

本局印售各種書籍圖畫目錄

澄衷學堂字課圖說
 天文歌略
 地理歌略
 地球韻言
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學算數教科書
 初等小學算數科書
 忠經
 英文舉隅
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋三分
 一本洋一角五分
 二本洋二角
 一本洋一角五分
 一本洋四分
 二本洋三角二分
 二本洋一元
 二本洋紙洋五角
 合冊洋三角六分
 一本洋紙洋六分
 一本洋紙洋五分
 一本洋二角五分
 二本洋二角五分
 一本洋二角五分
 二本洋五角
 二本洋紙洋四角
 二本洋紙洋三角五分
 二本洋紙洋四角
 二本洋一元二角
 二本洋四角
 二本洋紙洋七角五分
 一本洋紙洋七角
 二本洋四角
 一本洋二角五分
 一本洋紙洋四角
 一本洋紙洋三角五分
 一本洋紙洋二角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明夷待訪錄
 普通教科書目提要
 科學書目提要初編
 心算教授法
 萬國公法提要
 甲辰學報彙編一百種
 乙巳學報彙編
 丙午學報彙編
 全年學報彙編
 農學新書三十五種
 日本栽桑法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平頂地球圖
 東三省鐵路全圖

一本洋紙洋二角五分
 四本洋五角
 一本洋紙洋三角五分
 一本洋七角
 一本洋二角
 一本洋三角五分
 二本洋四角
 二本洋六角
 一本洋二角
 一本洋五角
 一本洋一角五分
 一本洋一角五分
 一本洋一角五分
 一本洋一角五分
 四本洋一元
 五十本洋二元七角
 四十本洋四元二角
 廿四本洋四元八角
 卅二本洋五元六角
 一本洋一角二分
 一本洋四角
 一本洋三角六分
 六扇屏洋二元
 二册洋五角
 一張洋一角
 一册洋一元
 三十二張洋一元
 一張洋八角

新 啟 告廣司公限有灰洋



啓者本公司係承唐山洋灰公司老廠另購外洋最新式機器旋客等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精會寄由德國國家栢林及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等尚有機器製造之缸磚花磚洋灰瓦水溝管矸子土等項無論躉零交
 易均可本公司總理處設在天津海大道英租界並在北北京奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告 光顧諸君請向本公司索閱面議一切可也

德律風一千三百零九號

利文洋

本行開設天津上海香港志呢華海參歲等處均設立有年諸班貨物由外洋本機器廠自造
 蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
 鑽石戒指留耳墜鐲子表墜大小八音盒並留聲話匣單雙桶千里眼砗蘭磨花穿衣鏡妝梳洋鏡
 大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本
 行面議可也

本行主人啟

瑞林祥元記 綢緞洋貨

本號開設北京前門外鮮魚口 天津估依街中間路北 山東濟南府院西路北自置綢
 緞紗羅顧繡蟒洋貨布疋各色喇叻厚呢京廣什貨俱全貨高價廉劃一不二後廳內專售
 線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸
 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑤藍 奇巧美術玩器 學界文房用品 旋行攜帶等件 精工鑲身物料
 定織各色呢氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

勸賑附災啟

啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會寧碾伯及各七司又先後報災邊地高寒水泉素乏童山彌望生植不饒一遇旱乾即成凶現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃糧價日增麥已漲至每石三十六兩稻草已漲至每斤二十七文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣夫天災流行國家代有難臣奏上 朝廷曾撥帑金六萬散諸災區勢難偏給非再有巨款接濟何以西北地方近接強鄰回亂以後元氣未復禍機一發何堪設想今日之救甘民請命敬懇 仁人君子慨然解囊量力輸助以便彙寄該省活此窮黎庶幾上舒國愛民之苦 心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上舒朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

津紳籌募甘賑公啟

啟者甘省僻處西陲連年苦旱蘭州各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜餓斃慘不忍聞甘省督藩乞賑各省函電紛馳雖經奏請 朝廷發帑賑恤然災區較廣偏給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命倘蒙允許請將該款送交北門內大官門西引善社賬房代收擊取收據俟集有成數再由同人登報公布並公同提交甘省籌賑處匯寄災區以資散放甘民幸甚

- 發起人 劉恩渠 戴元樹 吳國藩
- 贊成人 蘇景昌 蕭祖懋 郭漢章
- 徐嘉璈

名醫到津廣告

啟者四川曾建侯大令精岐黃歷在鄂豫京奉各局所當差所至俱以醫名屢起沉疴茲來津寓買家大橋福祿棧有患病者幸勿失此機會特佈

錢應彝啟

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
官商照顧願加獎
譽茲為推廣招徠起
見自本年起承印各
項價目格外減讓以
副官商雅意如蒙
賜顧請至本局賬
房面議可也

本局告白刊例

登一日者每字取洋五釐 三日四釐 七日三釐五 十五日三釐
一月二釐五 半年二釐 長年一釐五
以上均按四號字起碼加寬行數照所佔面積計算
登錄商標刻工另議
三號字加半倍 二號字加一倍

天津銀號廣告

本銀號代辦直隸公債所有本年宣統元年二月初一日四月初一日六
月初一日第四年第一第二第三三期應付本利銀兩即係原訂光緒三
十五年限期業經照數分付廣登廣告在案茲值本月初四日為第四年第
四期滿給還本利之期凡天津暨各府廳州縣各票主請查照章程第
七條持票至原借各府廳州縣及各籌款分局核取本利銀兩且期滿之
票並可任便抵納地丁錢糧鹽課關稅及各項稅捐已詳請督憲照
奏准章程通飭各屬不准留難需索務即持票兌取現銀毋得自誤再如
有以前到期未經支取各票本利銀兩亦可至原借各處驗票續發特此
佈告

工商演說廣告

啟者本所前因天氣炎熱暫停演說今已天氣涼爽擬訂於七月十八日
晚八鐘至十一鐘仍借東宣講所內演說工商各項要理并請韓鏡湖先
生演說發電機之製造與功用李子鶴先生演說外國貿易金受伯先生
演說日本商業之現象宋則久先生演說弱肉強食之商業務希 各工
商屆時 惠臨入聽不取分文特先佈告 天津勸工陳列所啓